

სსიპ – სამოქალაქო ავიაციის სააგენტოს დირექტორის

ბრძანება №236
2019 წლის 9 დეკემბერი

ქ. თბილისი

„უცხო ქვეყნის სამოქალაქო საჰაერო ხომალდისთვის, ხმაურის დონიდან გამომდინარე, საქართველოს საჰაერო სივრცით სარგებლობის უფლების შეზღუდვის წესის“ დამტკიცების შესახებ საქართველოს საჰაერო კოდექსის 47-ე მუხლის პირველი ნაწილის საფუძველზე, ვბრძანებ

მუხლი 1

დამტკიცდეს „უცხო ქვეყნის სამოქალაქო საჰაერო ხომალდისთვის, ხმაურის დონიდან გამომდინარე, საქართველოს საჰაერო სივრცით სარგებლობის უფლების შეზღუდვის წესი“.

მუხლი 2

ბრძანება ამოქმედდეს 2021 წლის პირველი იანვრიდან.

სსიპ – სამოქალაქო ავიაციის სააგენტოს დირექტორის 2020 წლის 23 მარტის ბრძანება №71 - ვებგვერდი, 27.03.2020წ.

სსიპ – სამოქალაქო ავიაციის სააგენტოს დირექტორის 2020 წლის 27 აგვისტოს ბრძანება №141 - ვებგვერდი, 31.08.2020წ.

სსიპ - სამოქალაქო ავიაციის
სააგენტოს დირექტორი

ლევან კარანაძე

უცხო ქვეყნის სამოქალაქო საჰაერო ხომალდისთვის,
ხმაურის დონიდან გამომდინარე,

საქართველოს საჰაერო სივრცით სარგებლობის უფლების შეზღუდვის

წესი

მუხლი 1. მიზანი და მოქმედების სფერო

1. „უცხო ქვეყნის სამოქალაქო საჰაერო ხომალდისთვის, ხმაურის დონიდან გამომდინარე, საქართველოს საჰაერო სივრცით სარგებლობის უფლების შეზღუდვის წესის“ (შემდგომ – წესი) მიზანია, საქართველოს საჰაერო სივრცით სარგებლობისას, უცხო ქვეყნის სამოქალაქო საჰაერო ხომალდების მიერ წარმოქმნილი ხმაურის მინიმუმამდე შემცირება.

2. წესის მოთხოვნები ვრცელდება უცხო ქვეყნის სამოქალაქო საჰაერო ხომალდზე, რომელიც ახორციელებს ნებისმიერი სახის ფრენას საქართველოს აეროპორტებში და რომლის მაქსიმალური ასაფრენი მასა არის 34 000 კგ ან მეტი ან/და საჰაერო ხომალდის სამგზავრო ადგილების სერტიფიცირებული რაოდენობა აღემატება 19 ადგილს, ეკიპაჟის წევრებისათვის განკუთვნილი ადგილების გამოკლებით.

3. წესის მოთხოვნები არ ვრცელდება უცხო ქვეყნის საჰაერო ხომალდზე:

ა) რომლითაც ხორციელდება ფრენა ჰუმანიტარული მიზნით;

ბ) რომელიც გამოიყენება ქვეყანაში შექმნილი საგანგებო სიტუაციებისას (ხანძარი, ბუნებრივი მოვლენები და ა.შ.);

გ) რომელიც ახორციელებს არაკომერციულ ფრენას ტექნიკური მიზნებით (სარემონტო სამუშაოები, საჰაერო ხომალდის რეგისტრაციის ცვლილების და ა.შ.);

დ) რომელიც ახორციელებს საავიაციო ტექნიკის ტრანსპორტირებას საქართველოში და



საქართველოდან, მათი შემდგომი რემონტისა და მოდერნიზაციის მიზნით;

ე) რომლითაც ხორციელდება საქართველოს თავდაცვისა და შინაგან საქმეთა სამინისტროების კუთვნილი ტვირთების ტრანსპორტირება;

ვ) რომლითაც ხორციელდება სამოქალაქო ავიაციის სპეციალური რეისი სახელმწიფოს უმაღლესი თანამდებობის პირების ვიზიტის მიზნით და ნებისმიერი ფრენა აღნიშნული ვიზიტის უზრუნველსაყოფად.

სსიპ – სამოქალაქო ავიაციის სააგენტოს დირექტორის 2021 წლის 15 დეკემბრის ბრძანება №277 - ვებგვერდი, 16.12.2021წ.

სსიპ – სამოქალაქო ავიაციის სააგენტოს დირექტორის 2022 წლის 21 ოქტომბრის ბრძანება №232 - ვებგვერდი, 21.10.2022წ.

მუხლი 2. შეზღუდვა

საქართველოს საჰაერო სივრცით სარგებლობის უფლება არ მიენიჭება იმ სამოქალაქო საჰაერო ხომალდს, რომლის ხმაურის სერტიფიკატი გაცემულია „საერთაშორისო სამოქალაქო ავიაციის შესახებ“ ჩიკაგოს 1944 წლის კონვენციის მე-16 დანართის პირველი ტომის მე-2 ნაწილის მე-2 თავის მოთხოვნების შესაბამისად.

მუხლი 3. ზედამხედველობა და პასუხისმგებლობა

1. წესის მოთხოვნების შესრულებაზე ზედამხედველობას ახორციელებს სსიპ – სამოქალაქო ავიაციის სააგენტო.
2. წესის დარღვევისათვის პასუხისმგებლობა განისაზღვრება საქართველოს მოქმედი კანონმდებლობის შესაბამისად.

